

Ecclēsia non eximit subie-

Etos Domino infideli.

Fixum supernè vellere limitem,
Et frēna sacri decutere imperi
Collo, *gigantum est*; Parce mater
Parce piā metuenda vittā.
Tu viperinos pectoris anxij
Nodos resolvis, centuplici domum
March. 16. *tu clauē seruas, sed coruscis*
Cauta foves sua iura *scepbris*.
SCEPTRI perennis gratia, nec fide
Nec Christianis vertitur *orgys*
Infracta, nec scævum superbi
Præfulis arbitrium moratur.
Qualem seueræ non hyemis minæ,
Non fulmen afflat, quam chelys entheo
Sub vate FLORENTM susurrat
Regificis humeris CORONAM.
Non quicquid alto Tybride voluitur
Luctuū, sonanti seu magis Hadria,
Si currat, infusum sacratio
Exabolet capiti liquorem.
RISCÈ DECORVM est, regibus impijs
Seruire iustos, & rigidum pati
Genis lupatum, crura ligno
Crura graues animosa ferro.
Exod. 3. *Fas & tyranni pensa Canopici,*
Tetroq; merum carcere lucidum
Gen. 39. *Cantare vatē, mira turuā*
Dum socijs aperit catenā.
Exaggeratas plus vice simplici
Pyras cremandis quid *pueris* loquat,
Quos inter immanes vaporis
Ambrosio micat ore CHRISTVS?
Addam precantes, numine exiliis

Quondam laborantum sub ætē,
Ad vitreas Babylonis vndas.
Rarus per illos surgit Ehdū dies,
Atroxue Iehu, sed tamen hunc *dens*
Summittit vltorem, scēstus
Ille suo laniatur ætē.
Accede Clio, sæcula cominus
Propinqua lustra. Quos Decios vides,
Quos Iulianos, atque nostrā
Purpureos animā Nerones?
Raptant profani, ceu Iouis alites
Mollem columbam, ceu timidam lupi
Damam cruentantes, duelli
Indocilem, docilemq; læthi.
Ecquis resistit, vel digito tenus
Luctatur vno? Mitis & innocens
Procumbit agnellus, nec aliam
Pullicies vocat ore matrem.
AT credo vires & deerant viri
Tunc militares: protinus aut trucem
De sede detractam profundis
Obruerent furiam tenebris.
Sic CARDO *fridet*, sed negat vnicus
Recti magister, qui rutilæ potens
Fratrum catervæ, vel sagittis
Vincere, vel faculis paratæ,
Invitat vltro Pontium, & vltimo


Firmare gaudet Romula spiritu
Decreta, baccatumq; multo
Sancit ovans *gladium* sinaragdo.
Nam quis triumphus, gloria Martyrum
Quæ tanta, sævis colla bipennibus
Decreta cædi, si minacem
Mente fouent animoq; Martem?
Non hæc pusillæ conueniunt lyræ,
Quo Musa tendis? STET decus inclytum
DIVILE, nec cleri protervā
Nec populi quatiatur vrnā.

Natura non placet Deo

sine gratia.

Quisquis sydere cupis profanus
Nativis opibus placere regi,
Tandem quas decimo benigna mense
Mature dedit Eilithyia ventre,
Privæ seu labor arrogat Minervæ,
Seu quicquid genij studeve puro
Non-dum lapsa polo sacrarit aura,
Speres & sine plumeo paratu
Demens æris in parente campo
Mirè Dædaleos ciere motus.
Testudove citas præire tigreis.
Longè terrea dissident supēnis,
Longè calica sunt remota terris:
Esa. 55. *Non sunt ut mea vestra*, sape rerum
Fastidit pater, eijsq; tu quod
Miseris miser vsq; & vsq; & vsq;,
Stultè gratificans tuo furori,
Falsā Pygmalion stupens puellā.
Est *vehemens Deus*, huic quo obviabit
Cuius fulmineum patet ocellum

Conuersis foror iniqua bigis.
Quem pennā Seraphim procul tremente
Defendunt, metuuntq; si seuerus
Iudex Angelicas proter cohortes,
Ipsos ne grauis Angelos fatiget.
Hunc putris caries, sarove fleat,
Aedes pulvereas colens, suoq;
Suspirans domiporra sub sepulchro,
Bibens sicut aquas iniquitatem?
Nunc Medea tuis opus t ahenis,
Nunc cultris opus, vt seni malignus
Extiller cruor, & novus recoctis
Succedat decor ac nitela membris.
Solutus Iordanio latex fluento,
(Quam non indigenæ lauant scatebræ,
3. Reg. 5. *Pellucens Abanah crepansve Pharphar,*)
Contagem fugat. heu nihil remotis
Fas est ingenio valere Divis.
Gen. 27. *Commendant geminum satū minorem*
Fraternę chlamydes; nec indecorum
Tandem tu quoq; doctor Israelis
Ioh. 3. *Nicodemus* putas senem renasci.
Quid multis teneo? Deo placentes
Diuinum sapiant. Suas protervus
Si quis iactat opes, opes & ipse
Agnoscoq; probosq; quæ satis te
Commendant, *furijs* sed & *Megarjs*.



Diffidia Protestantium non scin-

dunt unitatem Ecclesiasticam.

Dic aliquid contra, *simus duo*, Iurgia tantum,
Et scelus, & sævæ cesset petulantia linguæ,
Intra odium pugnare placet. *Cor omnibus unum*,
Iudicium dispar. Deus huic quoq; tempore *felix*
Fulserit. Alternat magni clementia cœli,
Sortiturq; vices. Liceat variare figuram
Vestibus interea, & tenui interpingere limbo
Amplificam chlamydem, ac proprio *ditescere sensu*.
Scilicet his crescentis armis Ecclesia totum
Paulatim explicuit victricia signa per orbem,
Gentibus imperio adiunctis. Tua prima *Magister*
Hortamenta sonant, blandæ quæis se gnia pacis
Matt. 10. 34. *Dona negas, rutilumq; intentas cominus ensē.*
Mox ipsi incurstant proceres, Paulumq; Petrumq;
Collidi videas, & amaræ Barnaban iræ,
Fervidulum iuveneni, ac Paulo diversa frementem.
Schismata quid quondam referam grassata Corintho,
1. Cor. 1. 13. *Inq; locum Domini dominos subijisse frequentes?*
Monstra quid & pestes? sunt qui ludibria seros
Esse putent manes, & quæ cupimusve timemusve
1. Cor. 13. *Omnia funesto claudant ingrata sepulchro.*
Verte alias tete ad partes. Iam *Cypride* dictum
Insignem pastorem, & rubræ martyra palmæ,
Squallentem exiguis cernas sub pectore guttis,
Quas tamen addit amor, spretaq; illustra vitā
Involvunt folia, & reliquum *deus* inclutum obumbrat.
Nec tua *Cyprion*, iua nec *Cypri* proferunt ætas
Immunem aspexit pugna. Sanctissima contra
Pectora se opponunt Sancti. Mox publica *simus*
Fabula *Christiade* (pudet heu) nostrisq; sonora
Applausere malis, croceum & rubuere, theatra.
Principio haud vnum genus est. Stant ardua quædam
Mole sua, nullaq; queunt ratione revelli.
Sunt quæ discutere, & partes iactare sub omnes
Expedi. haud semper potior concordia bello,
Fraterniq; acunt stimuli, flammæq; ministrant.
Qualis, vbi hyberno glomerati sydere Cori
In furias immane ruunt, & murmura miscent,
Mox vbi detonuit, nitidâ pater optimus æthrâ
Iungit equos, purisq; novum splendoribus orbem
Integrat, & solito post nubila clarior exit.

